



Broj: 01-04/01-04-57021-36/25
Sarajevo, 23.12.2025. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničku inicijativu, dostavlja se

Cijenjeni,

Zastupnik u Skupštini Kantona Sarajevo **Adi Kalem** je u okviru 27. Radne sjednice Skupštine Kantona Sarajevo, održanoj 16.12.2025. godine, a u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), uputio dvije (2) zastupničke inicijative:

„Podnosim inicijativu za izmjenu postojeće trase i reda vožnje na minibuskovoj liniji Osenik – Pazarić, s ciljem povećanja sigurnosti djece i ostalih stanovnika naselja Resnik“.

„Podnosim inicijativu za izmjenu reda vožnje na liniji Ilidža – Miševići.“

Odgovor:

Zahvaljujemo uvaženom zastupniku na upućenim inicijativama.

Shodno članu 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj: 40/2022), propisane su sljedeće nadležnosti Ministarstva za odgoj i obrazovanje Kantona Sarajevo: „Ministarstvo vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih“.

Imajući u vidu prethodno navedeno, u nadležnosti Ministarstva za odgoj i obrazovanje Kantona Sarajevo, nije donošenje i realiziranje odluka koje se odnose na uspostavljanje redovnog prijevoza putnika u saobraćaju i izmjenu postojećeg reda vožnje.

Članom 76. stav Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), propisano je:

- (1) Kanton u saradnji sa Gradom Sarajevo, općinama i drugim zainteresovanim subjektima obezbjeđuje sredstva za finansiranje troškova prevoza učenika osnovnih i srednjih škola sa područja Kantona.
- (2) Prijevoz učenika može se organizovati u sistemu organizovanog linijskog prijevoza putnika ili vanlinijskog prijevoza putnika.

- (3) Svi učenici osnovne i srednje škole imaju pravo na besplatan javni linijski prijevoz tokom cijele školske godine.
- (4) Učenik osnovne škole kao javne ustanove ima pravo na besplatan vanlinijski prijevoz ukoliko:
- a) stanuje na udaljenosti većoj od dva kilometra od škole koju pohađa,
 - b) pohađa školu koja pripada školskom području ili pohađa školu koja je fizički najbliža mjestu stanovanja, a po mjestu stanovanja ne pripada školskom području i
 - c) nema organizovan sistem redovnog linijskog prijevoza putnika kojim bi zadovoljio potrebu odlaska u školu i povratka iz škole.
- (5) U slučaju da učenik ima većih problema u kretanju, ima pravo na besplatan prijevoz i na manjoj udaljenosti od dva kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra.
- (6) Učenici sa teškoćama i učenici sa invaliditetom koji pohađaju centre ili druge obrazovne ustanove i nemaju posebno organizovan prijevoz za učenike, osigurava se naknada za prijevoz za učenika sa teškoćama/učenika sa invaliditetom i njegovog pratioca, i to korištenjem prava na jedan od načina kako slijedi:
- a) ukoliko učenik ima mogućnost korištenja javnog linijskog prijevoza putnika, odobriti sredstva za kupovinu mjesečnog kupona za učenika i pratioca i
 - b) ukoliko učenik nema mogućnost korištenja javnog linijskog prijevoza putnika, odobriti sredstva u visini troškova goriva po pređenom kilometru.
- (7) Pravo iz st. (4) i (6) ovog člana regulira se posebnim sporazumom o saradnji između Ministarstva, resornog ministarstva za saobraćaj i jedinice lokalne samouprave.

Kantonalno ministarstvo saobraćaja, shodno propisanim nadležnostima, utvrđuje modifikaciju mreže linija što, između ostalog, podrazumijeva i izmjenu reda vožnje radi zadovoljenja prijevoznih zahtjeva korisnika prijevoza, a na osnovu zahtjeva prijevoznika ili jedinice lokalne samouprave.

Shodno navedenom, upućujemo Vas da inicijative za izmjenu reda vožnje na pomenutim saobraćajnim relacijama, uputite resornom ministarstvu, jedinicama lokalne samouprave sa navedenih područja i prijevozniku koji vrši prijevoz putnika.

S poštovanjem,

Dostavljeno:

1. Adi Kalem, zastupnik u Skupštini Kantona Sarajevo
2. sekretaru Ministarstva,
3. a/a.

